



ALKIZAKO UDALA
(GIPUZKOA)

UDALBATZARRAK 2016ko AZAROAREN 29an EGINDAKO OHIKO BILKURAREN AKTA

2016ko azaroaren 29ean, Alkizako Udaletxean, arratsaldeko 19.30etan, Jon Umerez Urrezola Alkatearen Lehendakaritzapean behean aipatzen diren zinegotziak bildurik, ondorengo erabakiak hartu ziren :

ALKATEA : Jon Umerez Urrezola

ZINEGOTZIAK : Jose M^o Aranzabe Urruzola
Koldobika Jauregi Zinkunegi
Jose Ramon Hernandez Cristobal
Xabier Mugika Letamendia
Onintza Gorostidi Murua
Uxue Etxebeste Eizagirre

IDAZKARIA: Ane Gomez Urteaga

Ondorengo gaiak aztertu eta erabaki ziren:

1. **Aurreko bilkuretako akten onespena.**
-2016ko urriaren 4ean egindako ohiko bilkuraren akta.
-2016ko urriaren 25ean egindako ohiko bilkuraren akta.
2. **Alkatetza ebazpenen berri ematea.**
3. **Fakturak eta ordainketak.**
4. **Aiztondo Zerbitzuen Mankomunitateari, 2016ko 3. Eta 4. Hiruhileko ekarpenaren onespena, hala bada.**
5. **Tolosaldea Garatzenek eginiko eskaera aztertu, eskualdeko proiektu estrategikotarako funtsa, hala bada**
6. **Beste batzuk.**
7. **Erregu, galdera eta mozioak.**
7.1. **Euskararen Nazioarteko Eguna: abenduak 3 adierazpena**

LEHENENGO PUNTUA

AURREKO BILKURETAKO AKTEN ONESPENA

- 2016ko urriaren 4ko ohiko bilkuraren akta. Irakurri ondoren bertaratuek aho batez onestu dute.
- 2016ko urriaren 25eko ohiko bilkuraren akta. Irakurri ondoren bertaratuek aho batez onestu dute.



ALKIZAKO UDALA
(GIPUZKOA)

Aktak Udaletzeko Iragarki Taulan eta Web orrialdean argitaratzea erabaki da.

BIGARREN PUNTUA **ALKATETZA EBAZPENEN BERRI EMATEA**

Ondoren aipatzen diren Alkatetza Ebazpenak eman direla adierazi du Udaleko Behin Behineko Idazkari-Kontuhartzaileak, bertaratuak jakinaren gainean geratu direlarik:

33/2016 Alkatetza Ebazpena, azaroaren 10ekoa, V.S. jaunak eginiko eskaera onestea, hau da, 9151-BYR ibilgailuari dagokion trakzio mekanikodun zergaren itzulera onestea, behin-betiko baja emateagatik, ebazten duena.

34/2016 Alkatetza Ebazpena, azaroaren 24koa, Fontaneria Antzieta, S.L. k aurkezturiko F160144 faktura onestea eta bere ordainketa egin dadin agintzea, ebazten duena.

HIRUGARREN PUNTUA **FAKTURAK ETA ORDAINKETAK**

Ondorengo faktura zerrenda aurkeztu zen:

AUDAX	41,63
AUDAX	34,88
AUDAX	161,68
AUDAX	20,24
AUDAX	65,46
AUDAX	119,20
ENEKO ITURBE	96,80
IZFE	1.837,22
BIDATEK	718,50
KEY-LAN	5,99
ELECTRICIDAD ZIZURKIL	363,45
REPSOL	22,82
REPSOL	76,69
REPSOL	7,99
REPSOL	12,52
SOLRED	52,00
EUSKALTEL	75,97



ALKIZAKO UDALA
(GIPUZKOA)

AUDAX	76,38
AUDAX	21,10
AUDAX	32,29
AUDAX	47,41
AUDAX	164,05
ELECTRICIDAD ZIZURKIL	934,12
ELECTRICIDAD ZIZURKIL	81,68
EBA ERKIZIA	1.148,75
LYRECO	242,24
QUISER	167,05
TOLOMENDI	152,50
IZADI LABORATEGIA	152,94
CORREOS	9,97
HONTZA LIBURUTEGIA	340,26
AUDAX	76,72
GEOTECH	145,20
KEPA MIRANDA	39,30
IBERDROLA	66,47
EIZMENDI ANAIK	69,50
EUSKALTEL	62,63
AUDAX	113,26
AUDAX	506,00
MOVISTAR FIJO	71,52
MOVISTAR FIJO	80,96
ARGITU ASESORES	156,50
L.B.E. XARE	398,00
AUDAX	30,25
AUDAX	30,25
AUDAX	30,69
AUDAX	159,91
AUDAX	87,22
AUDAX	220,64
AUDAX	46,93
AUDAX	154,75
AUDAX	45,44
AUDAX	65,34
AUDAX	263,66
AUDAX	76,72



ALKIZAKO UDALA
(GIPUZKOA)

ERABAKITZEN DUTE

LEHENA.- Guztira **10.204,92** eurotako kopurua duen faktura zerrendari onespena ematea.

LAUGARREN PUNTUA

AIZTONDO ZERBITZUEN MANKOMUNITATEARI, 2016KO 3. ETA 4. HIRUHILEKO EKARPENAREN ONESPENA, HALA BADA

Ikusirik 2016ko azaroaren 23an Aiztondo Zerbitzuen Mankomunitateak aurkezturiko idatzia, non 2016 ekitaldiko 3. eta 4. hiruhilabetean sortu daitezkeen gastuei aurre egin ahal izateko Alkizako Udalak burutu beharreko ekarpena 19.000,00 eurokoa dela adierazten den. Ekarpena, Alkizako udalak eskatuta, ondoren zehazten den moduan banatzen da:

- Gizarte zerbitzuak: 11.000,00 euro
- Kultura: 8.000,00 euro

Ikusirik kreditu nahikoa aurreikusia dagoela.

Gaia aztertu ondoren, bertaratuek, aho batez, ondorengoa

ERABAKITZEN DUTE

LEHENGOA.- Aiztondo Zerbitzuen Mankomunitateari 19.000,00 eurotako ekarpena burutzea 2016 ekitaldiko 3. eta 4. hiruhilabetean sortu daitezkeen gastuei aurre egiteko. Kontzeptu hauetan banatuta:

- Gizarte zerbitzuak: 11.000,00 euro
- Kultura: 8.000,00 euro

BIGARRENA.- 19.000,00 eurotako gastua onartzea.

BOSTGARREN PUNTUA

TOLOSALDEA GARATZEN EKINIKO ESKAERA AZTERTU, ESKUALDEKO PROIEKTU ESTRATEGIKOTARAKO FUNTSA, HALA BADA

Ikusirik Tolosaldea Garatzen-ek eginiko eskaera, non Alkizako Udalarik eskatzen dion, 2014,2015,2016 eta 2017 urteetarako hartua duen konpromisoaren arabera, 2016 urteari dagokion ekarpena egin diezaiola Tolosaldeko Proiektu Estrategikoen Funtsari, Tolosalderako estrategikoak izan daitezkeen proiektuak bideragarri bihurtzeko baliabideak bermatuz eta horrela



ALKIZAKO UDALA
(GIPUZKOA)

eskualdera, eta ondorioz, Larraulgo udalerrira ere, enplegua eta aberastasuna sustatzeko bide berriak irekiz.

Urteko ekarpena udalerrri bakoitzak aurreko urtean IAE kontzeptuan kobratutako kopuru totalaren %10 izango da.

Ikusirik, badaudela herri txiki batzuk IAE kontzeptuan ez dutela ezer kobratzen. Hau kontutan izanik, Herri txikien arteko bilera baten ostean, hauek adostu zuten ekarpen finko bat egitea Tolosaldea Garatzen, proiektu estrategikoen funtsari, Udaletxe txiki bakoitzak 500 eurotako ekarpena egingo duelarik.

Gaia aztertu ondoren, bertaratuek, aho batez, ondorengoa

ERABAKITZEN DUTE

LEHENGOA.- Tolosaldea Garatzen-i 500 eurotako ekarpena egitea, 2016. urteari dagokion Tolosaldeko Proiektu Estrategikoen funtserako.

BIGARRENGOA.- 500 eurotako gastua onestea.

HIRUGARRENGOA.- Erabaki honen berri Tolosaldea Garatzen-i ematea.

SEIGARREN PUNTUA **BESTE BATZUK**

6.1. ALKIZAKO UDALEKO ADMINISTRAZIO ELEKTRONIKOAREN ZENBAIT ALDERDI ARAUTZEN DITUEN ORDENANTZAREN HASIERAKO ONESPENA, HALA BADA

Ikusirik hiritarrak zerbitzu publikoetara bitarteko elektronikoz sartzeari buruzko ekainaren 22ko 11/2007 Legeak ezartzen du 2009ko abenduaren 31tik aurrera toki-administrazioek hiritarrei aukera eman behar dietela legeak berak aitortutako eskubideei bitarteko elektronikoz erabiltzeko.

Ikusirik aurreko lerroetan azaldu dena bermatzeko ezinbestekoa dela ordenantza bidez arautzea. Horretarako dagokion ordenantza prestatu delarik, non ondorengoa dioen:

“ALKIZAKO UDALAREN ADMINISTRAZIO ELEKTRONIKOAREN ZENBAIT ALDERDI ARAUTZEN DITUEN ORDENANTZA.



ALKIZAKO UDALA
(GIPUZKOA)

ZIOEN AZALPENA

Informazioaren teknologia berriak gero eta hedatuago daude bizitzako eremu guztietan. Hori horrela, beharrezkoa da administrazio elektronikoa hiritarrei hurbiltzea, kudeaketak errazago egin ditzaten, udal bulegoetara joan beharrik gabe.

XXI mendeko erronka teknologikoen mailan egon nahi duen administrazio batek komunikazio elektronikoen erabilera sustatu behar du; aurrerapen eta berrikuntza teknologikoak aplikatu behar ditu izapide eta prozeduretan, hiritarrei eskaintzen dien zerbitzuetan ahalik eraginkortasunik handiena eskaintzeko.

Udalaren ardura da konfiantza eta segurtasuna sortzea izapide elektronikoen erabileran, aurrerapen teknologikoak haien zerbitzura jarriz. Azken batean, administrazioaren ardura da aurrez aurreko kudeaketaren eta kudeaketa elektronikoen arteko bidea murriztea, eta gure ardura da hiritarren eta administrazioaren artean dagoen hesia murriztea.

Hiritarrak zerbitzu publikoetara bitarteko elektronikoz sartzeari buruzko ekainaren 22ko 11/2007 Legeak ezartzen du 2009ko abenduaren 31tik aurrera toki-administrazioek hiritarrei aukera eman behar dietela legeak berak aitortutako eskubide hauek bitarteko elektronikoz erabiltzeko:

1. Administrazioarekin harremanetan jartzeko bidea aukeratzea.
2. Administrazioak dituen datuak eta dokumentuak ez ematea.
3. Berdintasuna zerbitzuak bitarteko elektronikoz eskuratzerakoan.
4. Interesdunak diren prozedurak zer izapidetan dauden ezagutzea.
5. Dokumentuen kopia elektronikoak lortzea.
6. Espedientea osatzen duten dokumentuak formatu elektronikoan gordetzea.
7. Identifikazio elektronikorako behar diren bitartekoak lortzea, eta pertsona hadministrazioekin edozer izapide elektroniko egiteko.
8. Sinadura elektronikoko beste sistema batzuk erabiltzea.
9. Segurtasuna eta konfidentzialtasuna bermatzea.
10. Bitarteko elektronikoen bidez emandako zerbitzu publikoen kalitatea.
11. Administrazioekin harremanetan jartzeko aplikazioak edo sistemak aukeratzea, betiere estandar irekiak erabiltzen diren kasuetan.

1. Artikulua. Helburua.



ALKIZAKO UDALA
(GIPUZKOA)

Ordenantza honen helburua da Alkizako Udaleko administrazio elektronikoaren zenbait alderdi arautzea, zehazki, honako hauek:

- a. Alkizako Udalaren egoitza elektronikoa sortzea, eta haren funtzionamendua arautzea.
- b. Identifikazio elektronikoko sistemak definitzea.
- c. Alkizako Udalaren erregistro elektronikoa sortzea, eta haren funtzionamendua arautzea.
- d. Jakinarazpen elektronikoen funtzionamendua arautzea.
- e. Dokumentu elektronikoen zenbait alderdi definitzea.
- f. Espediente elektronikoen zenbait alderdi definitzea.

2. Artikulua. Lege-esparrua.

- 39/2015 Legea, urriaren 1ekoa, Herri Administrazioen Prozedura Erkidearena.
- 2568/1986 Errege Dekretua, azaroaren 28koa, Toki Erakundeen Antolaketa, Jarduera eta Araubide Juridikoaren Erregelamendua onesten duena.
- 15/1999 Lege Organikoa, abenduaren 13koa, datuen babesari buruzkoa.

EGOITZA ELEKTRONIKOA

3. Artikulua. Egoitza elektronikoa.

1. Hiritarrak zerbitzu publikoetara bitarteko elektronikoz sartzeari buruzko ekainaren 22ko 11/07 Legearen 10. artikuluan jasotakoari jarraikiz, <http://www.alkiza.eus> web-gunea izango da Alkizako Udalaren Egoitza Elektronikoa.
2. Berrobiko Udalaren egoitza elektronikoaren zati izango dira, halaber, Udalaren jabetzako datuak argitaratzen eta kudeatzen dituzten web-guneak, betiere 2003ko martxoaren 13an Informatika Zerbitzuen Foru Elkartearekin (IZFE S.A.) sinatutako lankidetzaz hitzarmenaren edo horren ondorengoen, ordezkoen edo osagarrien babesean.
3. Bitarteko elektronikoen bidez Udala edo herritarrak baimendu behar direnean jarduera, prozedura eta zerbitzuetarako, hori egoitza elektronikoaren bidez egingo da.
4. Egoitza elektronikoa kudeatzeko arduraduna Alkizako Udaleko Idazkaritza zerbitzua da.



ALKIZAKO UDALA
(GIPUZKOA)

4. Artikulua. Ediktuen eta iragarkien udal taula elektronikoa.

1. Legezko edo erregelamenduzko xedapenengatik ediktuen udal taulan argitaratu beharreko ekintzak eta jakinarazpenak argitaratzerakoan, ediktuen taula elektronikoa argitaratuta osatu ahal izango dira.
2. Ediktuen taula elektronikoa Udalaren egoitza elektronikoa argitaratuko da eta interneterako konexioa duen edozein terminaletik kontsultatu ahal izango da.
3. Ediktuen taula elektronikora sartzeko ez da nortasuna egiaztatzeko inolako mekanismo berezirik behar izango.
4. Ediktuen taula elektronikoa edukia egiazkoa, osoa eta erabilgarria dela bermatzen duten sistemak eta mekanismoak edukiko ditu, herri administrazioetako araubide juridikoa eta administrazio prozedura erkidea araupetzen duten legeek aurreikusitako baldintzei jarraiki. Bereziki, dagozkion epeak zenbatzeko ondorioetarako, ediktuak argitaratu diren data eta ordua adieraztea bermatzen duten mekanismoa ezarriko da.
5. Ediktuen taula elektronikoa erabilgarri egongo da urteko egun guztietan, hogeita laur orduz, egoitza elektronikoa bidez. Arrazoi teknikoak direla-eta, aurreikusten bada ediktuen taula elektronikoa ezingo dela erabilgarri egon, erabiltzaileei ahalik eta lasterren jakinarazi behar zaie, eta taula kontsultatzeko erabilgarri dauden baliabideak adieraziko zaizkie.

IDENTIFIKAZIO ELEKTRONIKOA

5. Artikulua. Identifikazio elektronikoa.

1. Alkizako Udalarekin dituzten harremanetan, pertsonak eta entitateek Alkizako Udalak baliozkotzat hartutako sinadura elektronikoko sistemak erabili ahal izango dituzte sistema hori onartzen duten prozeduretan eta jardueretan. Egoitza elektronikoa, Berrobiko Udalak baliozkotzat hartzen dituen sinadura elektronikoko sistemen zerrenda eguneratua argitaratuko da.
2. Aldi baterako, sinadura elektronikoko sistemarik ez duten pertsonak eta entitateei, gako eragile eta pasahitzaren bidezko ordezkotza sistema bat eman ahal izango zaie Udalarekin harremanak izateko eskubidea gauzatu ahal izateko. Egoitza elektronikoa, gako eragilea eta pasahitza eskatzeko jarraibideak eta formularioa argitaratuko dira.
3. Sinadura elektronikoa edo gako eragilea erabili arren, dokumentu edo komunikazio elektronikoa sartu egin behar dira prozedura bakoitzerako behar diren identifikazio datuak.



ALKIZAKO UDALA
(GIPUZKOA)

4. Hirugarren baten izenean dokumentuak elektronikoki aurkezteko gaitutako pertsonak edo entitateek ekintza hori gauzatzeko behar den ordezkaritza izan behar dute, 39/2015 Legearen 5 artikuluekin bat.
5. Eskabide telematiko batean interesdun bat baino gehiago daudenean, interesdun guztiek sinatu beharko dute elektronikoki eskabidea, eta jarduketak berariaz adierazitakoarekin edo, bestela, lehenengo sinatzaile gisa agertzen den interesdunarekin gauzatuko dira.
6. Udalak, orokorrean edo berariaz, baimendutako pertsona fisikoak edo juridikoak gaitu ahal izango ditu interesdunen izenean dokumentu elektronikoak aurkeztu ahal izateko, 11/2007 Legeko 23. artikuluan ezarrita bezala.

ERREGISTRO ELEKTRONIKOA

6. Artikulua. Erregistro elektronikoa sortzea.

1. Alkizako Udalaren erregistro elektronikoa on line dagoen erregistro informatiko bat da, eta egoitza elektronikoa argitaratzen diren prozedura eta izapideei dagozkien eskaerak, idatziak eta komunikazioak jasotzeko eta igortzeko aukera ematen du.
2. Erregistro elektronikoak ez du erregistro orokor tradizionala ordeztzen; interesdunaren esku jartzen den beste bide bat da, eta haren helburua da Alkizako Udalarekin dituzten harremanak bizkortzea, eta eraginkorrak eta erosoak izatea (39/2015 Legearen 16.artikulua).
3. Langile publikoen eta udalaren administrazio-unitateen posta elektronikoko postontzi korporatiboek ez dute, inolaz ere, erregistro elektronikoaren izaera izango.
4. Ez dute erregistro elektronikoaren izaera izango, halaber, faxak jasotzeko gailuek, antolamendu juridikoan berariaz aurreikusitakoek izan ezik.
5. Erregistro elektronikoa kudeatuko duen administrazio-unitatea Alkizako Udalaren Idazkaritza da.

7. Artikulua. Erregistro elektronikoaren funtzionamendua.

1. Erregistro elektronikoa urteko egun guztietan eta eguneko hogeita lau orduetan egongo da martxan.
2. Eskaerak, idatziak, kontsultak eta komunikazioak jasotzeko zerbitzua mantentze-lan tekniko edota operatibo justifikatuak egiteko arrazoiak



ALKIZAKO UDALA
(GIPUZKOA)

daudenean soilik eten ahal izango da, ezinbestekoa den denborarako soilik. Zerbitzua etengo denean, ahalik azkarren eman behar zaie horren berri erabiltzaileei. Etenaldia ez denean aurreikusia, ahal denean, erabiltzaileak egoera horren berri ematen duen mezua ikusiko du.

3. Datuetarako sarreraren segurtasun-arrazoiengatik, izapide elektronikoak egin aurretik, erabiltzaileak identifikatu egin beharko du, ordenantza honetako 4 artikuluan zehaztutako sistemaren baten bidez.

4. Erregistro elektronikoak zerbitzu hauek emango ditu:

a. Erabiltzaileak emandako dokumentazioaren agiri elektronikoa entregatzea, datu hauekin: bidaltzailearen identifikazioa, data, ordua, erregistro-zenbakia eta entregatutako dokumentuen zerrenda. Baldin eta interesatuak ziurtagiria jasotzen ez badu, edo jasotzen duen mezua errore edo akats baten berri ematen duen mezua bat bada, erregistro orokorrak eskaera, idatzia edo komunikazioa jaso ez duen seinale izango da, eta, hortaz, interesatuak beste uneren batean edo beste bitarteko batzuen bidez aurkeztu beharko du.

b. Fitxategiak zehaztutako formatuetan eransteko aukera. Interesatuek emandako dokumentuak eta irudiak Alkizako Udalerako baliozko formatu eta estandarretara egokitu beharko dira, eta kasu bakoitzean ezarritako gehieneko tamainak zaindu beharko dituzte. Egoitza elektronikoan, formatu eta estandar horien zerrenda eguneratua eta onartuko den gehieneko tamaina argitaratuko dira.

6. Erregistro elektronikoaren bidez jaso edo igorritako eskaerak, idatziak edo komunikazioak sarrera edo irteeraren denbora-ordena errespetatuz erregistratuko dira. Idazpen guztiak ordena kronologikoan jasoko dira.

8. Artikulua. Epeen zenbaketa.

1. Erregistro elektronikoa, Alkizako Udalarari nahiz interesdunei dagozkien epe-zenbaketarako, data eta ordu ofizialek gidatuko dute.

2. Egun naturaletan zehaztutako epeen zenbaketaren kasuan, eta interesdunek epeak betetzeari dagokionez, jaiegun batean aurkezten dena hurrengo laneguneko lehen orduan aurkeztu dela ulertuko da, arauak jaiegun batean jasotzea berariaz baimentzen duenean izan ezik. Oro har, egun baliogabeak izango dira igandeak eta jaiegun bezala adierazten direnak. Egutegia egoitza elektronikoan argitaratuko da.

9. Artikulua. Dokumentu elektronikoak aurkeztea.

1. Agiriak Alkizako Udalaren erregistro orokor elektronikoan aurkeztea borondatezkoa izango da, lege mailako arauren batek besterik ezarri ezean;



ALKIZAKO UDALA
(GIPUZKOA)

- beraz, interesdunek erregistro orokor elektronikoa erabiliko dute, nahi izanez gero, Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legearen 38.4 artikuluan, ezarritako bideen ordeiz.
2. Erregistro orokor elektronikoa eskabide, idazki eta komunikazioak aurkeztu ahal izateko, oro har, beharrezkoa izango da eskatzailea identifikatzea.
 3. Erregistro elektronikoa aurkeztutako komunikazio, idatzi edo eskaera baten dokumentu osagarriak aurkezteko, erregistro elektronikoa, erregistro orokor tradizionala edo legez zehaztutako bitartekoren bat erabili ahal izango da.
 4. Erregistro elektronikoak egoera hauetan aurkeztutako dokumentu elektronikoak baztertu ahal izango ditu:
 - a) Erregistroaren material-eremutik kanpoko organo eta organismoentzako dokumentuak.
 - b) Kode maleziatsuren bat edo sistemaren osotasunari edo segurtasunari eragin diezaiokeen gailuren bat dutenak.
 - c) Dokumentu normalizatuei dagokienez, nahitaez bete beharreko atalak betetzen ez direnean, edo haiek izapidetzea galarazten duten inkongruentziak edo ez aipatzeak daudenean.
 - d) Dokumentua Alkizako Udalak onartutako formaturen batean egin ez denean.
 - e) Ezarritako gehieneko tamaina gainditzen duenean dokumentuak; erregistro elektronikoa bertan adieraziko da gehieneko zer tamaina onartzen den kasu bakoitzean.
 5. Aurreko atalean aurreikusitako kasuetan, igorleari horren berri emango zaio, eta adierazi zer arrazoiengatik baztertzen den, halakorik egin daitekeenean, eta hutsegite horiek konpontzeko zer bide dauden eta zer helbidetan aurkeztu daitezkeen. Interesdunak hala eskatzen duenean, aurkezteko egindako saiakeraren egiaztagiria bidaliko da, baita baztertua izateko arrazoien berri eman ere.
 6. Aurreko 4 atalean aurreikusten diren egoerak gertatu, eta erregistro elektronikoa dokumentua atzera botatzen ez badu; eskumena duen administrazio-organoa akatsa konpontzeko eskatuko du, eta ohartaraziko du, eskaerari erantzun ezean, aurkezpena ez dela baliozkoa edo eraginkorra izango.
 7. Idatz-zati hauetan adierazitakoa gorabehera, inoren izenean dihardutenek ordezkari hori frogatu beharko dute, aldez aurretik edo administrazio



ALKIZAKO UDALA
(GIPUZKOA)

organoek eskatuz gero, horrela xedatzen baita Herri Administrazioen Araubide Juridikoari eta Administrazio Prozedura Erkideari buruzko azaroaren 26ko 30/1992 Legearen 32. artikuluan.

10. Artikulua. Sarrera erregistroa izango duten agiriak.

1. Alkizako Udalaren erregistro orokor elektronikoan sarrera-erregistroa egingo zaie eskabide, idazki eta komunikazioei, behar bezala identifikaturik badaude igorlea, eskaeraren xedea, Udaleko administrazio-organo edo administrazio-unitate hartzailea eta administrazio-prozedurari buruzko araudi aplikagarrian eskatzen diren gainerako datuak.
2. Eskabide, idazki eta komunikazioen aurkezpen elektronikoari dagokionez, sistema elektronikoak interesdunei aurkezpen hori erraztuko die, eskaeraren eredu orokorra emanez, nahitaez bete behar diren eremuak adieraziz, edo, behar denean, berriazko eskaera-ereduak emanez, denak ere nahitaez erabili beharrekoak, sistemaren funtzionamendu egokia bermatzeko.
3. Prozedura jakin batean eskabideak, idazkiak eta bestelako agiriak aurkezteko edota zenbait agiri ofizial ateratzeko erregistro orokor elektronikoak erabili ahal izateak ez du esan nahi jarduketa horiek oso-osorik bide elektronikoetatik izapidetu daitezkeenik.

11. Artikulua. Agiriak erregistro orokor elektronikoan aurkeztearen ondorioak.

1. Eskabide, idazki, kontsulta eta komunikazioak Alkizako erregistro orokor elektronikoan aurkezten direnean, ondorio juridikoak zuzenbidez onartzen diren gainerako bideetatik aurkezten direnean bezalakoak izango dira.
2. Interesdunek erregistro orokor elektronikoan eskabideak eta gainerako agiriak aurkeztu izana frogatu ahal izango dute erregistroak automatikoki emango dien egiaztagiri elektronikoaren bidez.
3. Erregistro orokor elektronikoak agiri bat jaso duela baieztatzeko emango duen egiaztagiria paperean inprimatu edota euskarri informatikoan gorde ahal izango da.
4. Nolanahi ere, dokumentuak bitarteko elektronikoaren bidez aurkeztean gerta daitezkeen arriskuak igorleak hartu beharko ditu bere gain, eta administrazioa ez da inongo inguruabarren erantzule izango, ez badira haren zerbitzu publikoen funtzionamenduari egotzi dakizkikeenak.
5. Interesdunak idazki edo eskabide bera erregistro orokor elektronikoan eta erregistro arrunt batean aurkezten badu, lehenbiziko sarrera-zenbakia duena baizik ez da izapidetuko.



ALKIZAKO UDALA
(GIPUZKOA)

12. Artikulua. Agiri ofizialen irteerak.

Beste organo batzuei edo partikularrei zuzendutako idazki, komunikazio eta bestelako dokumentu ofizialen irteerari dagokionez, Alkizako Udalaren erregistro orokor elektronikoak:

- a. Idazkia edo komunikazioa igorri den egun eta ordu zehatzak egiaztatuko ditu.
- b. Administrazio-organo igorlea adieraziko du.
- c. Nori edo zer administrazio-organori igortzen zaion adieraziko du.
- d. Gaiaren laburpen bat jasoko du.
- e. Egiten den irteera-idazpenari hurrenkerako zenbaki bat ezarriko dio.
- f. Igorritako idazki edo komunikazio ofizialaren kopia gordeko du automatikoki.
- g. Irteerako egiaztagiria elektronikoa lortzeko aukera emango du.

13. Artikulua. Elebitasuna.

Udal Administrazioak ziurtatu egingo du Euskararen Erabileraren Normalizaziorako azaroaren 24ko 10/1982 Oinarrizko Legean, Alkizako Udalak onartutako Euskararen Erabilera Irizpideak eta aplikatu beharreko gainerako araudietan xedaturikoa. Bereziki, ziurtatuko da udal egoitza elektronikoen eduki guztiak Euskal Autonomi Erkidegoko bi hizkuntza ofizialetan egon daitezen, herritarrek duten baliabide elektronikoen bidez bi hizkuntza horietako edozeinetan erlazionatzeko eskubidea ziurtatuz, Herri Administrazioen Erregimen Juridikoaren eta Administrazio Prozedura Erkidearen azaroaren 26ko 30/1992 Legearen 36. artikuluan aurreikusitakoaren arabera.

14. Artikulua. Datuen babesa.

1. Datu Pertsonalak Babesteari buruzko abenduaren 13ko 15/1999 Lege Organikoaren arabera, izapideetarako jasotako datu pertsonalak «Dokumentuen sarrera- eta irteera-erregistroa» fitxategian sartuko dira, edo etorkizunean egin edo osa daitekeenean. Ordenantza hau onartzeko garaian, fitxategi hori Datuak Babesteko Euskal Agentzian identifikatzeko kodea Sarrera eta irteera erregistroa da.
2. Fitxategiaren organo arduraduna Alkizako Udala da. Interesatuek, Erregistro Elektriko Orokorraren bidez, Udalaren egoitza elektronikoa, erabiliko dituzte datu pertsonaletan sartzeko, horiek zuzentzeko, ezerezteko



ALKIZAKO UDALA
(GIPUZKOA)

eta horien aurka jotzeko eskubideak: Alkizako Udala; San Martin Plaza zg; 20494 Alkiza (Gipuzkoa).

3. Arestiko 4 artikuluan adierazitako identifikazio-sistema elektronikoak erabiltzen direnean, eta nortasuna egiaztatu ahal izateko, emandako datu pertsonalak erabiltzeko baimena ematen dio eskatzaileak Udalari.

JAKINARAZPEN ELEKTRONIKOA

15. Artikulua. Jakinarazpen elektronikoa.

1. Alkizako Udalak jakinarazpen elektronikoko sistema bat izango du, eta beste bitarteko edo sistema batzuen bidez osatu ahal izango da.
2. Lege mailako arau batek elektronikoa ez den baliabide bat erabiltzeko agintzen duenean izan ezik, edozein herritarrek aukeratu ahal izango du, uneoro, udal Administrazioarekin baliabide elektronikoz komunikatzeko modua. Baliabide batzuen edo besteen bidez komunikatzeko aukerak ez du herritarra lotuko, honek edozein unetan aukeratu ahal izango baitu hasieran hautaturikoa ez den beste baliabide bat.
3. Eskaeran jakinarazpenak bitarteko elektronikoen bidez jasotzeko borondatea adieraziko da, eta jakinarazpen elektronikorako Alkizako Udalak baliozkotu eta onartutako bitarteko bat adierazi.
4. Jakinarazpenak egoitzan egiteko prozedura honako hau izango da:
 - a. Jakinarazpen elektronikoa borondatez aukeratu duten herritarrek zein beraiekin harremana bide elektronikoz izatera derrigorrean ezarritakoek helbide elektronikoa eman beharko dute egin beharreko jakinarazpenak jasotzeko.
 - b. Behin jakinarazpena prestatuta, egoitza elektronikoa jarriko da eskura. Eskura jarritakoan, jasotzaileari ohar bat bidaliko zaio posta elektronikoz berak emandako helbide elektronikora. Jakinarazpen oharrean egoitza elektronikorako lotura bat egongo da, jakinarazpenak kontsultatzeko atalera. Hiritarrak zerbitzu publikoetara bitarteko elektronikoz sartzeari buruzko 11/2007 Legeko 28. artikuluko 2. paragrafoan ezarritakoaren ondorioetarako, ohar hori bidalita jakinarazpena eskura jarri dela ulertuko da.
 - c. Egoitza elektronikoa modu nabarmenean agertu beharko da jakinarazpenak eskuratzeke daudela, eta garbi adierazita egon beharko da ere dokumentura sartuz gero horren edukia jakinarazitzat joko dela.
 - d. Jakinarazpenaren edukia ikusi aurretik, jasotzaileak egiaztagiria sinatu beharko du sinadura elektronika aurreratuaren bidez. Egiaztagiria



ALKIZAKO UDALA
(GIPUZKOA)

jakinarazpena egin duen administrazio organoari edo erakundeari bidaliko zaio dagokion espedienteari gehitzeko. Hiritarrak zerbitzu publikoetara bitarteko elektronikoz sartzeari buruzko 11/2007 Legeko 28. artikuluko 3. paragrafoan ezarritakoaren ondorioetarako, jakinarazpenaren edukira sartutzat joko da egiaztagiria sinatzen den momentuan.

e. Jakinarazpen operazioak jakinarazpena ikustea ahalbideratuko dio jasotzaileari, eta hala badagokio, erantsitako dokumentuak ere bai, horrekin batera doazen sinadura elektronikoak egiaztatzea, eta hori guztiori bere terminal fisikora jaistea.

5. Errolda elektronikoan izena emanda duen eta bide elektronikoz harremana izatera behartuta ez dagoen interesdunak arlo jakin bateko jakinarazpenak, une batetik aurrera, bide elektronikotik ez egiteko eskatu ahal izango du, betiere, urriaren 1eko 39/2015 Legeko 18. artikuluan onartutako gainerako bideak kontuan hartuz, jakinarazpenak egiteko helbideren bat adierazten badu.

6. Prozedura jakin bateko jakinarazpen elektronikoa egindakotzat joko da horretarako onartutako baliozko formen bidez egin ondoren, interesdunak edukiaren ezagutza eta ebazpenaren edo jakinarazpenaren helburu den ekintzaren helmena ezagutzea dakarten jarduerak egitean.

7. Bitarteko elektronikoak erabiltzeko lehentasunaren nahiz onarpenaren berri emateko eta jasotzeko, bitarteko elektronikoak erabili ahal izango dira.

16. Artikulua. Agertze elektronikoaren jakinarazpena.

1. Agertze elektronikoaren jakinarazpena interesduna behar bezala identifikatuta dagokion administrazio-jardueraren edukira egoitza elektronikoaren bidez sartzean datza.

2. Jakinarazpen elektronikoak egoera hauetan egon daitezke:

a. Eskura: interesdunak jakinarazpena postontzian jaso du eta eskura dauka, onartu, irakurri edo atzera bota dezan.

b. Irakurrita: interesdunak jakinarazpena eskuratu eta zuzen irakurri du. Jakinarazpen-sistemak jakinarazpena eskuratu den eguna eta ordua egiaztatzea ahalbidetuko du. Une horretatik aurrera, jakinarazpena gauzatu dela ulertuko da, legezko ondorio guztietarako.

c. Baztertua: interesdunak bere postontzira sartu baina jakinarazpen hori ez irakurtzea erabakitzen du espresuki. Jakinarazpen sistemak jakinarazpena eskuratu den eguna eta ordua egiaztatzea ahalbidetuko du. Une horretatik aurrera, jakinarazpena baztertu dela ulertuko da, legezko ondorio guztietarako.



ALKIZAKO UDALA
(GIPUZKOA)

d. Automatikoki baztertua: Administrazio-jakinarazpenen baliozkotasunaren legeak ezartzen duen epea igaro eta interesatuak ez du irakurri edo atzera bota jakinarazpena. Kasu horretan, jakinarazpena baztertu egin dela ulertuko da legezko ondorio guztietarako.

DOKUMENTU ELEKTRONIKOAK

17. Artikulua. Dokumentu elektronikoak.

1. Dokumentu elektronikoek baldintza hauek bete beharko dituzte baliozkoak izateko:
 - a. Edozein motatako informazioa izatea.
 - b. Informazioa artxibatzea, euskarri elektroniko batean; formatu zehatz eta ezagun bateko euskarrian, hain zuzen.
 - c. Bereiztea ahalbidetzen duten identifikazio datuak edukitzea, nahiz eta maila handiagoko espediente edo dokumentu elektroniko batean sartu.
2. Administrazioaren dokumentu elektronikoak, baldintza horiek betetzeaz gainera, elektronikoki igorri eta sinatu behar dira, 11/2007 Legeko 18. eta 19. artikuluetan aurreikusitako sinadura sistemen bidez. Halaber, urriaren 1eko 39/2015 Legearen 10.artikulaun aurreikusitako baliozkotasun baldintzak bete behar dituzte.
3. Administrazioaren dokumentu elektroniko baten edo interesatuak igorritako dokumentu baten kopia elektronikoa egin eta kopia hori benetako kopiatzat hartzeko, baldintza hauek bete behar dira:
 - a. Alkizako Udalak jatorrizko dokumentu elektronikoa edukitzea.
 - b. Kopia hori egiteko berariaz gaitutako funtzionario batek ematea, edo horretarako ezarritako sistemek, modu automatizatuan. Alkizako Udalak kopia elektronikoak egiteko gaitutako funtzionarioen erregistro eguneratua izango du.
 - c. Sinadura elektronikoaren informazioak eta, egonez gero, denborazigiluak jatorrikoarekin bat datorrela egiaztatzeko aukera ematea.

18. Artikulua. Dokumentu ez elektronikoetatik lortutako dokumentu elektronikoak.

1. Alkizako Udalak paperean edo digitalizatu daitekeen beste euskarri batzuetan dauden dokumentuen kopia elektronikoak egin ditzake.
2. Alkizako Udalak igorritako dokumentuen eta interesatuek emandako dokumentu pribatuen kopia elektronikoak egin daitezke.



ALKIZAKO UDALA
(GIPUZKOA)

3. "Irudi elektronikoa" izendaturiko dokumentuan edo irudi fidela sortzea ahalbidetzen duen beste edozein euskarritan dagoen dokumentu bat digitalizatzearen emaitzari. "Digitalizazio" deritzo papereko edo euskarri ez elektronikoa bateko dokumentu bat fitxategi elektronikoa bihurtzen duen prozesu teknologikoari, dokumentuaren irudi kodetua, fidela eta zuzena ematen duenari.
4. Irudi elektronikoa benetako kopia elektronikoa izango dira, Alkizako Udalak baldintza hauek betetzen baditu:
 - a. Kopiatutako dokumentua jatorrizkoa edo benetako kopia izatea.
 - b. Kopia elektronikoa baliozko sinadura elektronikoa izatea.
 - c. Kopia hori idazkariak edo berariaz gaitutako funtzionario batek egitea, edo horretarako ezarritako sistemek, modu automatizatuan. Alkizako Udalak egunean izan beharko du dokumentu ez elektronikoa abiatuta kopia elektronikoa egiteko gaitutako funtzionarioen zerrenda.

19. Artikulua. Interesdunek igorritako dokumentu elektronikoa.

1. Hiritarrek dokumentu elektronikoa aurkeztu ahal izango dituzte interesdun diren espedientetan.
2. Paperezko euskarriko dokumentuen irudi elektronikoen fideltasuna interesdunen sinadura elektronikoen bidez bermatuko da, Hiritarrak zerbitzu publikoetara bitarteko elektronikoz sartzeari buruzko ekainaren 22ko 11/2007 Legearen 35.2 artikuluari jarraikiz. Kasu horietan, udalak jatorrizko dokumentuarekin erkatzea eskatu ahal izango du.
3. Interesatuak emandako dokumentuak eta irudiak Alkizako Udalerako baliozko formatu eta estandarretara egokitu beharko dira. Egoitza elektronikoa, formatu eta estandar horien zerrenda eguneratua argitaratuko da.

20. Artikulua. Interesdunek kopia elektronikoa lortzea.

Hiritarrek eskubidea dute interesdun diren prozeduren parte diren dokumentu elektronikoen kopia elektronikoa lortzeko, dagokion prozedura arautzen duen araudian ezarritakoaren arabera.

Kopia interesatuaren kontura lortuko da, eta egiaztatzearen eta dokumentuen laburpen bat egin daiteke edo interesatuari eragiten ez dioten datuen konfidentzialtasuna mantentzea ahalbidetzen duten beste metodo elektronikoa batzuk erabili.

ESPEDIENTE ELEKTRONIKOA



ALKIZAKO UDALA
(GIPUZKOA)

22. Artikulua. Espediente elektronikoa.

1. Espediente elektronikoak prozedura bakoitzean legez aurreikusitako administrazio izapideei eta horiek Alkizako Udalean duten aplikazio espezifikoari jarraikiz diseinatuko dira.
2. Espediente elektroniko bakoitzak kode bat izango du, identifikatu ahal izateko. Administrazio arteko trukea errazten duten sistemak erabiliko dira, ahal den neurrian.
3. Espediente elektronikoak dokumentu elektroniko osatuta egongo dira; beste espediente elektroniko batzuk ere eduki ditzakete, prozedurak hala eskatzen badu. Baldin eta, salbuespenez, espedientera sartu beharreko dokumentu jakin batzuen izaera edo luzera dela eta, dokumentu horiek espedientean sartzea zaila edo ezinezkoa gertatzen bada, espedientearen aurkibidean sartu beharko dira, formatu ez-elektronikoan aurkeztearen kaltetan gabe.
4. Espediente elektronikoan sartzen diren dokumentuak iraupen luzeko eta erabiltzaile guztiek doan erabil ditzaketen tresnen bidez eskuratzeko moduko formatuetara egokitzen saiatu beharko da.

FAKTURA ELEKTRONIKOA ETA ORDAINKETA ELEKTRONIKOA

23. Artikulua. Faktura elektronikoa.

1. Udal administrazioak eta bere erakunde publikoek ordaintzeko sistema elektronikoak ezarriko dituzte herritarrek zergak, santzioak, isunak, errekarquak eta zor dizkieten gainerako zenbatekoak ordaindu ahal izateko, beharreko kitapenaren ondoren beharrezko kasuetan.
2. Aurreko puntuan xedaturikoa betetzeko, beste Herri Administrazio batzuek gaitutako ordainketa elektronikorako pasabideak erabili ahal izango ditu udal administrazioak, finantza erakunde zehatz batzuekin datuak modu seguru eta konfidentzian on-line trukatu ahal izateko, eta horrekin on-line ordainketa ezarriko tramitazio telematikoa baten edozein puntutan.
3. Ezartzen diren ordainketa elektronikorako sistemek egindako ordainketaren agiria emango dute.
4. Ordainketa elektronikoki ezin egin ahal izateak ez du inolaz ere aldatzen bete behar hori betetzea ezarritako epeetan.

XEDAPEN GEHIGARRIA

Ordenantza honetan Alkizako Udalean eskuragarri dauden edo denbora-epe labur batean eskuragarri egongo diren administrazio elektronikoaren zenbait alderdi arautzen dira.



ALKIZAKO UDALA
(GIPUZKOA)

AZKEN XEDAPENAK

Lehena.

Ordenantza hau indarrean sartuko da Toki Araubidearen Oinarriak arautzen dituen apirilaren 2ko 7/1985 Legeko 70.2 artikuluan ezarritakoaren arabera, testu osoa Gipuzkoako Aldizkari Ofizialean argitaratu ostean, eta lege bereko 65.2 artikuluan aurreikusitako epea igaro ondoren.

Bigarrena.

Alkizako Udalaren administrazio elektronikoa ordenantza honek arautuko du, eta, ordenantzan aurreikusten ez diren kasuetan, 11/2007 Legea, 30/1992 Legea eta aplika daitezkeen gainerako arauak aplikatuko dira.

Hirugarrena.

Ordenantza hau Alkizako Udalaren egoitza elektronikoa argitaratuko da: www.alkiza.eus

Gaia azterturik, Udalbatza honek, aho batez, ondorengo

ERABAKITZEN DU:

LEHENA: Hasiera batean onartzea, Larraulgo Udaleko administrazio elektronikoa zenbait alderdi arautzen dituen ordenantza.

BIGARRENA: Jende aurrean jartzea ordenantza hori, hogeita hamar egunean, iragarkia Gipuzkoako ALDIZKARI OFIZIALEAN argitaratzen duten egunetik kontatzen hasita, interesdunek bidezkotzat jotzen dituzten alegazioak eta iradokizunak egin ditzaten.

7/1985 Legearen 49. artikuluko horren azken paragrafoan ezarritakoaren arabera, jendaurrean erakusteko aldiaren erreklamaziorik edo iradokizunik aurkeztu ezean, ulertuko da behin betiko onartu dela aldaketa.

6.2.SAHARAKO HAURREN HARRERAKO “OPORRAK BAKEAN 2016” PROGRAMAREN GASTUEN AURRE EGITEKO EKARPENAREN ONESPENA, HALA BADA

Ikusirik, 2016ko apirilaren 5ean egindako Udalbatzarrean onestu zela, Oporrak bakean programarentzat 1.900 eurotako diru-laguntza bat onartzea.



ALKIZAKO UDALA
(GIPUZKOA)

Alkizako familia batek haur saharai bat hartzeko eskaera egin zuenez, honek suposatuko zizkion gastuak finantzatzen laguntzeko.

Ikusirik, haur saharai-aren bidaiaren gastua ordaindu zela bere kopurua 685 euro izanik.

Ikusirik Tolosako udaletxetik igorritako idatzia, non Saharako haurren harrerako Oporrak Bakean 2016 programan hainbat herrik parte hartu dutela eta Tolosako Udala programaren kudeaketaz arduratu denez, Alkizako Udalarik 1.289,45 eurotako ekarpena egin dadila eskatzen dutelarik, horretarako gastu guztien zurigarririk aurkeztu dute.

Gaia azterturik, Udalbatza honek, aho batez, ondorengoa

ERABAKITZEN DU:

LEHENA: Oporrak Bakean 2016 programaren kostua onestea, hau da 1.289,45 euro.

BIGARRENA: 1.289,45 eurotako gastua onestea eta Tolosako Udalarik aipaturiko diru kopurua ordaintzeko agindua ematea.

6.3.3/2016 KREDITU ALDAKETAREN HASIERAKO ONESPENA, HALA BADA

Udala honen 2016 urteko Aurrekontuari eragiten dion gastuen aurrekontu partiden arteko kreditu gehigarri bidez egin beharreko kreditu aldaketarako espedientearen berri eman da.

Idazkari-kontuhartzaileak egindako txostena irakurri da, zeinak adierazten baitu aipaturiko espedientea aplikagarria zaion araudiari egokitzen zaiola, zehazki abenduaren 19ko 21/2003 Foru Arauak, Gipuzkoako Lurralde Historikoko Toki Erakundearen Aurrekontuei buruzkoa denak 34.1 artikuluan ezarritako beharkizunei egokitzen zaiola.

Eztabaidatu ondoren bototara jarri eta bertaratuek, aho batez honako hau

ERABAKITZEN DUTE

LEHENA.- Proposamenaren zerrendatzen diren gastuen kreditu gehigarriaren espedienteari hasierako onespena ematea, Udala honen Aurrekontuari dagokiona, kapitulukako ondoko laburpenaren arabera:



ALKIZAKO UDALA
(GIPUZKOA)

Gastuak eta kreditu aldaketa egiteko proposamena

Gastuen partida	Azalpena	Kredituak		
		Egungoak	Aldaketak	Behin betikoak
1 0000.160.920.00.04 2016	ELKARKIDETZA administrazio orokorra	1.500,00	86,00	1.586,00
1 0000.210.161.00.01 2016	UR AZPIEGITURA MANTENIMENDUA	6.000,00	1.500,00	7.500,00
1 0000.211.332.00.01 2016	Liburutegiko egokitzapenak	0,00	150,00	150,00
1 0000.220.920.00.01 2016	BULEGO MATERIALA	2.600,00	600,00	3.200,00
1 0000.221.161.00.01 2016	UR BOMBA ARGINDARRA	5.000,00	500,00	5.500,00
1 0000.222.920.00.05 2016	IZFE INFORMATIKA ZERBITZUAK	7.500,00	280,00	7.780,00
1 0000.227.920.00.99 2016	ARGITU	2.000,00	135,00	2.135,00
1 0000.227.929.00.09 2016	FORU ALDUNDIA. DIRUBILKETA	1.000,00	437,00	1.437,00
1 0000.421.230.00.01 2016	AIZTONDO MANKOMUNITATEA-G.Z	23.000,00	2.000,00	25.000,00
1 0000.421.330.00.01 2016	AIZTONDO MANKOMUNITATEA-KULTURA	15.000,00	2.000,00	17.000,00
1 0000.601.153.20.01 2016	herri bideak konponketak	47.897,00	2.251,00	50.148,00
1 0000.622.342.00.01 2016	frontoiaren berrikuntza	13.364,00	424,00	13.788,00
1 0000.623.342.00.01 2016	musika ekipoa	0,00	618,00	618,00
1 0000.120.920.00.01 2016	IDAZKARIAREN SOLDATA	30.000,00	883,00	30.883,00
1 0000.211.933.00.01 2016	herriko ostatua konponketak	5.000,00	160,00	5.160,00
1 0000.226.330.00.06 2016	IHARDUERA SOZIOKULTURALAK	1.500,00	10,00	1.510,00



ALKIZAKO UDALA
(GIPUZKOA)

1 0000.227.150.00.07 2016	AHOLKULARITZA HIRIGINTZA	12.000,00	10,00	12.010,00
1 0000.480.230.00.01 2016	OPORRAK BAKEAN PROGRAMA	1.900,00	75,00	1.975,00
1 0000.421.431.00.01 2016	tolosaldeko hiltegia	135,00	45,00	180,00
GUZTIRA		175.396,00	12.164,00	187.560,00

Kod.	Partida	Azalpena	Zenbatekoa
c	2 0000.720.000.00.04 2016	GIZARTE ZERBITZUAK GARATZEKO LAGUNTZA	1.276,00
c	2 0000.710.000.00.07 2016	OSTATUKO KALDERA	1.373,00
c	2 0000.480.000.00.01 2016	partikularren aportazioak	3.500,00
a	2 0000.870.000.00.01 2016	KREDITU GERAKINA 2015	6.015,00
FINANTZAKETA GUZTIRA			12.164,00

BIGARRENA.- Iragarkia Gipuzkoako Aldizkari Ofizialean argitaratzen den hurrengo egunetik hasita eta hamabost eguneko epean, espedientea jendaurrean ipintzea edonork egoki dituen erreklamazio zein iradokizunak burutu ditzan. Baldin eta erreklamaziorik egongo ez balitz, espedientea behin betikotzat onartuta geratuko litzateke besterik gabe.

HIRUGARRENA: 2016ko azaroaren 29an egindako Kontuhartzailearen komunikazioa onestea, non azaltzen den:

“Kreditu aldaketaren espedientea kontuan hartuta, toki entitate honek ez du betetzen aurrekontu egonkortasunaren eta finantza iraunkortasunaren arloetan 2016rako ezarritako helburuak edota gastu araua. Beraz, toki entitate hau behartuta legoke, berez, plan ekonomiko finantzarioa onartzera.

Hala ere, aurrekontu egonkortasunaren helburua edota gastuaren araua ez betetzearen arrazoa diruzaintza gerakina erabili izana denez, 1/2013 Foru Arauaren 5.3 artikuluan eta Jarraibidearen 3.erregelan ezarritakoari jarraituz, kontu hartzaile honek berriazko



ALKIZAKO UDALA
(GIPUZKOA)

txostena egin du, honako honi erantsi zaiona, udalbatzarrari jakinaraziko zaiona, eta plan ekonomikoa ordezkatzeko duena.

“Kontuan izanda 2016rako ezarritako zor helburua betetzen dela eta aurreko urteko likidazioan aurrezki garbia eta diruzaintza gerakina positiboak izan direla, Diputatuen Kontseiluaren Akordioa, 2013ko eta 2014ko azaroaren 19ko Jarraibidearen 3. erregelari ezarritakoari jarraituz, kontu hartzaile honek berariazko txostena hau egin behar du eta udalbatzarrari jakinaraziko zaio, plan ekonomikoa ordezkatzeko duena.

Dena den, gaikuntza espedienteak honako finantziarioa du :

-Sarreraren gehitzea.....6.149,00€
-Diruzaintza gerakina.....6.015,00€

Eta argi eta garbi ikusten da gaikuntza espediente honek ez duela entitatearen finantza iraunkortasuna eta aurrekontuaren egonkortasuna zalantzan jartzen.”

6.4. ALKIZAKO PILOTALEKUKO ESTALPEAREN ERABERRITZE LANEN AMAIAERA, HALA BADA

Ikusirik 2016ko urriaren 4an egindako Udalbatzarrean, Alkizako pilotalekuko estalpearen eraberritze lanen esleipena onestu zela. Hain zuzen Cubiertas Pagola eta Aterki enpresei.

Ikusirik aipaturiko lanak amaitu direla eta Cubiertas Pagola eta Aterki enpresak aurkeztu dutela dagokion lanen fakturak, lehena 10.798,38 eurotakoa eta bigarrena 2.988,70 eurotakoa.

Gaia aztertutik, Udalbatza honek, aho batez, ondorengoa

ERABAKITZEN DU:

LEHENA: Cubiertas Pagola-k aurkezturiko 159 faktura onestea, bere zenbatekoa 10.798,38 euro direlarik.

BIGARRENA: 10.798,38 eurotako gastua onestea eta bere ordainketa egin dadila agintzea 0000.622.342.00.01 partidaren kontura.

HIRUGARRENA: Aterki-k aurkezturiko 100.339 faktura onestea, bere zenbatekoa 2.988,70 euro direlarik.

LAUGARRENA: 2.988,70 eurotako gastua onestea eta bere ordainketa egin dadila agintzea 0000.622.342.00.01 partidaren kontura.

ZAZPIGARREN PUNTUA



ALKIZAKO UDALA
(GIPUZKOA)

ERREGU, GALDERA ETA MOZIOAK

7.1.ABENDUAK 3. EUSKARAREN NAZIOARTEKO EGUNARI BURUZKO ADIERAZPEN INSTITUZIONALAREN ONESPENA.

Ondoren EUDEL-ek aurkezturiko Euskararen Nazioarteko Eguna, abenduak 3 adierazpenaren berri ematen da, non ondorengo dioen:

“Zer egin dezaket nik euskararen alde?”

Euskararen Nazioarteko Eguna, 2016 Adierazpena

Abenduaren hirua pozik bizitzeko eguna dugu euskaldunok. Duela berrogei urte arte gizartean gainbehera zihoan euskara hazkunde nabarian jarri dugu. Batik bat belaunaldi zaharrenen hizkuntza izatetik, belaunaldiarteko hizkuntza eta, batez ere, gazteen hizkuntza izatera pasatu da. Ingurune jakin batzuetara mugatuta egotetik sekula bereak izan ez dituen esparru sozialetan ere nor izatera. Europako hizkuntza zaharrena izatetik, hizkuntza modernoa eta gaur egungo gizartera egokitua izatera.

Euskara bizitzen ari den zabalkundea gizarte osoaren nahi eta ahaleginari esker gertatu da. Norbanako askoren eta kolektibo askoren ekimenari esker. Jende askoren esku zabaltasunari esker. Gizarte osoak proiektu kolektibo gisa bereganatu izanari esker. Konpromiso publiko eta pribatuari esker. Gizartearen adostasunari esker.

Hizkuntza-elkarbizitza gizarte-elkarbizitzaren osagai egin dugu, gizarte-kohesioaren funtsezko elementu. Hizkuntzen berdintasuna eta norbanakoaren hizkuntza-hautua herritar guztion aukera berdintasunaren oinarrian jarri ditugu.

Euskararen Nazioarteko Eguna badugu, baita ere, indarberritzeko eguna. Izan ere, gaur egun, oraindik, bi hizkuntza ofizialen berdintasun sozialetik urrun gaude. Euskarak eta gaztelaniak, erabilerari dagokionez, legezko aitortza berdina dute, baina gizartean egoera desberdina bizi dute.

Horregatik, urratsak ematen jarraitu nahi dugu. Bi hizkuntza ditugu ofizialak Euskal Autonomia Erkidegoan. Baina helburu izaten jarraitzen du, gizartean oro har, hizkuntzen arteko berdintasun sozialera iristeak. Hizkuntza-aniztasunaz harro gaudelako eta euskararekin munduko hizkuntza aniztasunari egiten diogun ekarpenaz ere harro gaudelako. Hizkuntza-aniztasunak gure gizartea aberasten duelako, euskarak hizkuntza-aniztasuna aberasten duelako eta, beraz, gutako bakoitza aberasten gaituelako. Euskara, Etxeparek esan bezala, plazan nahi dugu, indartsu eta sendo nahi dugu bere lurralde guztietan.



ALKIZAKO UDALA
(GIPUZKOA)

Euskara hizkuntza erabilia eta bizia izatea: horra gure helburua. Guztion gogoia eta ahalegina eskatzen dituen helburua; helburu ilusionagarria; denoi dei egiten digun helburua: norbanakoei eta kolektiboei, herri aginteei, alderdi politikoei, langileen sindikatuei, enpresari-elkarteei, kirol, aisialdi nahiz kultur arloko elkarteei, gizartearen arlo desberdinetako erakundeei, eta abarri. Gustuko dugun helburua da, gustura hartzen dugun konpromisoa.

Horregatik, herri aginteok eta askotariko gizarte-eragileok elkar hartuta ospatu nahi izan dugu aurten Euskararen Eguna. Euskara eta hizkuntza-elkarbizitza sendotzeko konpromiso bat hartu nahi izan dugu, nork bere neurrikoa, nork bere ahalaren arabera. Horretarako, gure buruari galdera bat zuzendu diogu: "Zer egin dezaket nik euskararen alde?"

Adierazpen honen sinatzaileok galdera horri erantzun propioa eman nahi diogu, gure esparruan euskara modu edo neurri batean zein bestean indartzeko erantzun bat.

Era berean, herritar guztiak eta gizarte-eragile guztiak gonbidatu nahi ditugu galdera hori bera egitera eta nork bere neurriko erantzuna hausnartzera, guztion ekarpenak baitira baliagarri eta onuragarri euskararen biziberritzerako eta guztion arteko elkarbizitza sendotzeko.

Ospa dezagun, bada, pozik eta harro Euskararen Nazioarteko Eguna. Eta bizi dezagun aurrera begira euskara, gure artean eta egunerokoan, hizkuntza bizia eginez, "Zer egin dezaket nik euskararen alde?" galderari erantzunez eta galdera bera euskal gizarte osoan zabalduz."

Gaia aztertutik, Udalbatza honek, aho batez, Eudel-ek aurkezturiko Euskararen Nazioarteko Eguna, abenduak 3 adierazpena bere osotasunean onesten du.

Eta aztertu beharreko beste gairik ez dagoenez, Lehendakari Jaunak bilkura 21.20 etan amaitutzat eman du eta akta hau jaso da, etorri diren guztiek izenpetu dutena eta Idazkari naizen honek, aztertu denaren benetako adierazgarria dela uste duena.